



Broj: JN-1-01-16-4-29-9/18
Datum: 01. 10. 2018.

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 69. stav (2) tačka (d) i člana 70. stav (4) Zakona o javnim nabavkama („Službeni glasnik BiH“, broj 39/14), na Preporuku Komisije za nabavke, broj: JN-1-01-16-4-29-7/18 od 19.09.2018. godine, u postupku nabavke lijekova, donosi sljedeću:

ODLUKU o poništenju postupka javne nabavke lijekova

Član 1.

Poništava se postupak javne nabavke lijekova iz razloga što zaprimljena ponuda nije prihvatljiva.

Član 2.

Ova odluka objavit će se na web stranici Ministarstva www.mhrr.gov.ba u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke lijekova, broj: JN-1-01-16-4-29-1/18 od 24.08.2018. godine. Javna nabavka je provedena putem konkurentskog zahtjeva. Procijenjena vrijedost javne nabavke bez PDV-a je: 6.837,61 KM, odnosno 8.000,00 KM sa PDV-om. Obavještenje o nabavci broj: 679-7-1-25-3-23/18 od 29.08.2018. godine, objavljeno je na Portalu javnih nabavki. Komisija za nabavku imenovana je Odlukom broj: 01-02-2-116-1/18, od 15.01.2018. godine.

Komisija za javnu nabavku dostavila je ugovornom organu, ministrici za ljudska prava i izbjeglice BiH, Zapisnik o pregledu i ocjeni ponuda broj: JN-1-01-16-4-29-6/18 od 18.09.2018. godine, Preporuku o izboru najpovoljnijeg ponuđača broj: JN-1-01-16-4-29-7/18 od 18.09.2018. godine i Izvještaj o radu broj JN-1-01-16-4-29-8/18 od 18.09.2018. godine u postupku javne nabavke lijekova.

U postupku po Izvještaju o radu utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno primljenih ponuda,
- zaprimljena je ponuda ponuđača Gradska ljekarna Mostar.

U postupku pregleda i ocjene ponude ponuđača Gradska ljekarna Mostar, Komisija za nabavke je utvrdila da u Obrascu za cijenu ponude-robe Aneks 1 nisu upisane cijene za sljedeće stavke:

- 32. DES FLONIDAN Tbl 10 mg
- 35. DEPAKINE kapi 57.64mg/ml
- 59. BRONHOSTOP pastile 30 kom
- 109. PHARYNGAL sprej 30 ml
- 115. ESSENTIALE FORTE cps 300mg
- 122. APPETITO sirup 200 ml
- 124. CALCIUM GLUCONATE ampula 10 ml
- 129. PROMERGAN krema 30 ml
- 143. ANGIPRO ACTIV sprej 20 ml

U Obrascu za cijenu ponude-robe Aneks 1 koji je sastavni dio Tenderske dokumentacije u dijelu „Napomena“ pod tačkom 2. je navedeno da se za svaku stavku u ponudi mora navesti cijena, u suprotnom će se ponuda odbaciti.

Nadalje, članom 68. stav (4) tačka a) Zakona o javnim nabavkama je propisano da je Ugovorni organ dužan odbaciti zahtjev za učešće ili ponudu i u sljedećim slučajevima kad ponuđač u svojoj ponudi ne navede cijenu, nego samo navede da će ponuditi cijenu koja je za određeni postotak ili vrijednost niža od ponude s najnižom cijenom, ili ponudu u kojoj cijena nije iskazana u ukupnom iznosu, u skladu sa zahtjevima iz tenderske dokumentacije.

Na osnovu naprijed navedenog, ponuda ponuđača Gradska ljekarna Mostar je odbačena.

Shodno tome, Komisija za nabavke je uputila ministrici za ljudska prava i izbjeglice BiH preporuku za donošenje odluke o poništenju predmetnog postupka.

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Iz navedenih razloga, primjenom člana 68. stav (4) tačka a) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od deset (10) dana od dana prijema ove Odluke.

Dostaviti:

- Gradska ljekarna Mostar,
- Sektor za opće, pravne i finansijsko-materijalne poslove,
- a/a

MINISTRICA
Semiha Borovac

